

陽城縣鄉志

240
地 160.65

539

3p=

陽城縣志

陽城縣志

中華民國二十
四年四月
校印於太原

陽城縣鄉土志序

丁卯之秋應允叔之約濫竽教院爾來已八九年矣於同人中談論最洽者爲楊君癡僧君年長於淑者十年猥自貶抑遂爲忘年之交嘗讀其所輯瀟澤楊氏世德吟編爲之欽仰不置因知癡僧之爲人爲學其所自來者遠矣今又出陽城縣鄉土志駢散二種均爲其先德 少梧先生遺著體例精審文辭嫻雅殆韓城武功之儔也清季有小學加增鄉土志之令先生應邑侯之請爰有此作今國體變更學制屢易而此科竟廢癡僧懼先人手澤之湮滅無聞也擬重付劄副以廣其傳先印駢體本已由常君子襄田君玉汝劉君烈侯序跋于前矣茲復將印散體本乃囑淑更爲之序淑本不工文何敢序先輩之書但讀此鴻製頓觸夙願郡縣之志率

數十年而必事增修非徒嘩衆取寵也數十年中其政令之改革民生之苦樂盛衰皆於是乎在故關心民瘼者讀其書而知其俗所謂興利除弊之舉胥賴是以啓其端嘗持此論擬新撰敝縣之志以質之當世之明於史裁者因懶于下筆至今尙未成書今觀 先生此著其附錄物產商務諸門何莫非是物耶是區區之硜硜自信於二十餘年之後而至今仍未脫稿者豈知 先生固早已撰爲二體授諸小學在二十餘年之前哉賢不肖之相去何其遠耶獨恨生晚遇艱僅得讀 先生之書而著糞佛頭未獲一聆 先生之罄欵沾漑餘沫也又不禁景慕流連而感慨係之已時民國二十三年十二月下浣五臺世愚姪張淑琳謹撰於山西大學教育學院

陽城縣鄉土志序

吾友楊君癡生晉之陽城人生平縱談陽城風俗掌故甚稔而未一及其家世一日挈其先代遺著見饋書曰獲澤楊氏世德吟編敬受而讀之其末卷佩弦子詩草即君先大夫少梧世丈之作也君先世皆工吟詠惜世丈存稿無幾多散逸其詩不爲險怪不尙雕鏤古人所謂發纖毫於簡古寄至味於淡泊益無媿焉顧見其詩未見其文也今歲孟夏復以舊弄陽城縣鄉土志示晉校讎已歲將重付剞劂屬爲序於是得卒讀世丈之著述是志也乃遜清光緒末葉承邑令沈公廊生所屬編而沈令又受命當路將以之爲學校教科書之用也夫一邑之鄉土一國之文獻也春秋之世有籍氏者有祿於朝數典而忘其祖由不習鄉土也今之志博

據而約取予奪以公取舍有方謹而嚴簡而要可以資稽覈可以昭風教益史裁也昔吳興沈子悖僑於晉必求有真性情者交之卒得平定張石州石州乏於貲他務未遑獨亟亟焉刊其大父希音堂集晉交君於今二十有五年君所謂有真性情者鄉土志之刊亦猶是刊希音堂集之意也世丈之著述今則傳矣雖然傳不傳作者勿預知也其傳之也爲子者之私心也其傳之而必傳也天下後世之公道也殺青垂就謹序數辭置之簡端

民國二十三年十二月歲次甲戌泰興世愚姪陳晉撰於并垣寓次

陽城縣鄉土志目錄

歷史

政績錄

兵事錄

耆舊錄

宦業

忠節

孝友

學問

義行

陽城縣鄉土志

目錄

隱逸

氏族

戶口

人類

實業

陽城縣鄉土志

邑人楊念先少梧甫撰

歷史

縣治北魏文成帝興安二年自故城移置今治名獲澤縣未置縣治以前



虞夏

屬禹貢冀州之域析城王屋並在縣境

商

冀州之域邑境為畿內地曰桑林

在縣正南六十里

湯禱兩處

見括地志及寰宇記

周

穆天子傳四日天子休于獲澤

春秋戰國

春秋初為狄泉落氏所據名曰稷桑國語晉太子申生敗狄於稷桑至文襄時地入於晉戰國時屬韓魏

秦漢

秦獲澤縣屬河東郡漢承秦制河東郡領縣二十四其第十縣為獲澤

縣

在今縣治西三十里址尚存名澤城村

北境為陽阿縣

在縣治西北四十里名陽阿村

屬上黨郡

領縣十四第十三縣曰陽阿

後漢

獲澤侯國屬司州河東郡陽阿侯國屬并州上黨郡

魏

獲澤初屬司州河東郡少帝正始八年分河東十縣爲平陽郡獲澤屬焉

晉
獲澤縣屬司州平陽郡陽阿縣廢西晉末陷於五胡歷前後趙前燕前秦西燕後燕卒歸北魏

北魏

初屬建興郡文成帝興安二年自故城移今治仍名獲澤初西燕慕容永據長子稱帝分上黨置建興郡及魏太武帝太平眞君九年省文成帝和平五年復

孝明孝昌中增置泰甯郡於縣故城置西獲澤屬焉孝莊帝永安中復

罷建興郡置建州領郡四曰高都長平安平泰甯獲澤屬安平郡西獲澤屬泰甯郡

既置縣治以後

北齊

北齊省并郡縣泰甯郡西獲澤並廢建州領高都長平安平三郡獲澤縣屬安平郡

後周

建州領高平安平二郡獲澤仍屬安平

隋

文帝開皇初安平郡廢是時盡廢諸郡以州治民職同郡守無復刺舉

之任建州改澤州獲澤屬焉煬帝改州爲郡澤州曰長平郡縣之隸屬如故

唐

高祖武德元年於獲澤縣置澤州爲刺史治所八年刺史移治端氏

沁今

水端太宗貞觀元年又移治晉城

今鳳臺縣

獲澤仍爲屬邑

明皇天寶元年始改獲澤爲陽城縣時又改州爲郡澤州曰高平郡陽城屬焉

肅宗乾元初復改郡爲州至唐末昭宣帝天祐二年又改縣爲獲澤未幾更稱陽城五代皆因之

宋

陽城縣河東路澤州高平郡領之

金

陽城縣河東南路澤州領之宣宗元光二年升州爲節鎮軍曰忠昌尋

又升陽城縣爲勸州仍屬忠昌軍及滅於元州廢

元

陽城縣河東山西道晉甯路澤州領之晉甯初曰平陽路成宗大德九年改晉甯澤州世祖中統初置司候司至元三年省司候司

明

陽城縣山西布政司澤州領之

國朝

陽城縣初承明舊隸澤州雍正六年升州設府縣爲府屬焉

政績錄

宋張之才字次文遼人紹聖初縣令清謹愛民時稱良吏去官日辭湯廟詩云一官來此四經春不愧蒼天不負民神道有靈應信我去時猶似到時貪

金張恪開封人大定中縣尹以經術爲吏治寬嚴相濟民樂其化

元李裕大德間縣令甫下車問民疾苦諭以農桑爲本衣食足而教化可興勤恤民隱民皆德之

路有讓字文遠廣平人至治初縣令有異政任七載化行訟簡草滿囿罔稱爲吏治之最

韓汝弼字良輔保定人至順時爲縣尹舉廢墜汰冗食凡不急之役悉

罷之時旱災禱雨立應

關世傑字英甫晉甯人至元四年陽城令到官廣布恩信推誠愛民初舊令勸課徧鄉都擾民特甚世傑以農桑有衣食之利誰肯甘游惰而樂飢寒若乘騎從徒家呼戶召小民輟饗飧具餽餉迎勞且不暇又何暇顧其業哉此雖愛之實害之也乃於每歲農隙時但召各社長誠切諭之民感激益力於田且延師設教學者皆聞風而起

趙繩祖燕山人至正十一年爲縣尹廉訪碩彥戒飭游民以講明彝教爲士庶先有興學碑記

周克明字文舉清苑人至元間由侍儀吏爲陽城主簿有志操人不敢犯以非義然政尙寬簡不屑屑於煩瑣之務故民奉之如慈母

明李芾字文輝鄧州人洪武初知縣建壇廟修學校導民力穡樹桑時多創造而不病民有主簿方涓者佐芾亦以治聞

王珪洪武七年爲陽城知縣建養濟院設惠民藥局修倉廩諸實政劉以文黃岡人正統七年擢陽城令明於政體不爲矯廉姑息歷九載治行卓然民乞留巡撫宋鑑簡詔加爵二級及致仕民慕之不忘教諭劉潛作碑記之潛亦建藏書閣於明倫堂右

史書字獻忠靈臺進士履任時年尙少大猾路省祭輕之會新縣城門餘零木其家人不問而取書令巡官執以來路至厲聲曰木無幾何足索書曰若吏乎曰吏曰讀律乎曰熟律曰熟常人盜官物律乎路默然遂叱隸筆殺之一縣皆驚

陳寬字裕夫新河進士成化閒知縣事矢志潔清門無私謁

劉一清陳州人成化閒教諭曲盡教術俾士子皆趨於正稍放達不羈者輒以禮繩之越九年講授不倦時稱爲司鐸之望

谷景通房山舉人宏治中縣令性廉介嚴於紀律無敢犯以非義尋以杖小吏爲方伯吳所辱憤恨而卒輿論惜之

蔡深宏治閒訓導勤於課士限以程法尤以曲臺禮爲禔躬之要授學者講習之至今多相傳爲家法

王傅高陵進士嘉靖初知縣事沈靜寡言笑廉潔自守居四載未嘗私取民間一物僚吏憚之至於積穀備荒興學立教士民多賴焉

楊縉字薦甫壽張進士嘉靖中知縣廉介勤慎公平明決及愛民教士

皆以實心行之去官二十五年民思之不置會州守行縣至陽城民請建祠以祀守從之初巡撫王德明署考語曰當饑饉洊臻之年著撫字心勞之績雖古循良無以過之

韋文英字本和涇陽舉人嘉靖間知縣事初下車刻石城隍廟盟心自矢邑人有王海者性孝友且好義樂施文英廉得之勸以建鄉學立義塚修河隄及賑饑卹貧之事不一而足至勦賊尤有功焉出貲修築城池造諸兵器爲禦寇計民賴以安

盧修可許州人嘉靖間知縣事到官年尙少令行禁止無敢撓其法者張問仁西寧衛人嘉靖間知縣事禮賢下士吏惕民懷

李綦內鄉進士嘉靖中以檢討謫縣丞日以詩文自娛而政事不廢

孫文澤鄆平人嘉靖間主簿勤慎公平廉得鹽務諸弊力革之悉心編審賦役無不均者

王標壽州人嘉靖間典史泣任甫四十日聞賊劫掠西南村落率民奮擊之遂遇害百姓哀之祀於名宦

王柱汝寧人嘉靖間教諭性剛嚴勤課藝士子畏服每月試爲諸生設饌門竟日始啓校閱畢第其甲乙無不稱當士爭自刻勵而科第蟬聯李樂泰安州人嘉靖間訓導謙恭樂易不責修脯所成就者甚衆

王模登州人嘉靖間訓導有志操嘗捐俸以周寒士卒於官士爭制服泣送之

李棟字尙隆涉縣進士隆慶間知縣御下以嚴豪猾屏息至問民疾苦

與諸父老咨畫便宜疊疊移日不倦人以是愛而畏之邑舊無鐵稅所司歲加勾稽以爲常民大窘棟獨爭於上卒蠲其稅又改差役爲雇役之例公私便之其弭鑛變化村盜裁里甲立社倉五年中善政不勝枚舉民立祠祀之

事詳王太宰國光李棟生詞記

張應詔字叔宣咸陽舉人萬歷間知縣有才識到縣即以邑城爲憂初城墻未全甃藝歲久浸頽圯會太宰王國光言及之應詔即慨然力任於是諏日鳩工甃發一新資官錢五千餘緡而城郭完固且值歲饑民以備活者甚衆

王象蒙字養吾新城進士萬歷時授陽城令天性精明而臨民持大體不以苛細爲務士尙學農力田其效也

熊偉商城人萬歷時知縣甫數月凡強暴悉寘於理由是豪右無敢犯法者尤以造士爲化民之本與仁育德蔚然可觀

劉應奇字澹如中牟進士萬歷間知縣性嚴明摘發如神舊無賴子多竄入公門曰是亂政之媒也立法之所易者皆慤愿吏不敢爲蠹邑兩稅昔稱易辦適歲大稜戶有亡命遂逋欠里排豪俠詭籍爲奸貧弱者苦重刑而豪富反得脫乃廉知一人大猾寘重典詭寄之弊始絕又邑嘗多盜藏山谷中見民物輒被劫掠乃嚴保甲法緝捕之凡以事至公

庭者籍記其姓名事發按治無漏網盜遂息

事詳白尚書所知劉令生詞記

王雅量字襟海費縣進士神宗時知縣到官以懷保爲心務使民沾實惠初兩稅逋欠豪黠富人多連猾吏竄名下戶而追呼催比唯貧者當

之正供未完民已力竭雅量洞知其弊乃親檢稅籍輸納不時者必重懲之又嚴禁詭寄犯者即寘於法由是奸弊絕而民困蘇

事詳白尚書王公德政碑

王良臣字敬吾新鄭進士萬歷時知縣建書院聚生徒教之所拔者皆以次得雋歲課民種柿分爲殿最迄今成林民食其利凡訟有細過不加械責罰令曲者去尖草芟田棘必盡根株納若干斤則贖之因而田少荒穢民多受福

安伸字葵明淄川進士萬歷時知縣燭奸如神大豪望風而避繼興學宮捐俸給士子又除酒稅及更役銀若干民思愛之爲立祠祀焉

楊鎮原字仲岳陳州進士崇禎初知縣厚重少文治尙清靜與民休息及流寇前後數犯境既擒斬渠魁九條龍扞衛全城士庶感戴建立生祠官終河東參議治命戒其子曰陽城我桐鄉吾死後魂魄戀此無與襯還也遂葬南壇側後令項龍章加封樹官備牲醴致奠民多哭於墓者

國朝李鴻勳字常六磁州進士順治初知縣敏斷有才略蝗入境齋沐虔禱蝗皆相抱僵死民以爲精誠所感

李繼白字夢沙臨漳人順治中知縣廉慈敏練除荒地之稅以甦民困初陽城遭闖賊蹂躪屋廬非舊丁口供億者不過二萬餘至西南山一帶行竟日不見村舍闔里不過百餘丁更有一里一人供役數年不節息者繼白目覩其困乃詳上憲爲民請命疏上免荒地若干頃民感其德立石頌之

陳國珍號鹿屏金壇附貢順治間知縣清慎慈祥葺學宮砌道路纂邑乘立陽陵社以造多士

項龍章字宸錫歙縣舉人康熙中知縣簡重有才纂縣志清編審革陋例興學造士終始如一

彭景曾浙江海鹽人羨門學士之孫也雍正元年以監生來令陽城性明敏善聽斷事至立決訟無久淹吏畏民服縣中稱治先是縣民有借官穀多至數百石者貧不能償追呼連歲愁困莫支景曾下車知狀即自出金買穀如所欠數入於倉召諸欠者立庭下取券悉焚之民始釋累鄉里多建肖像祀之

楊善慶湖南巴陵舉人乾隆初年知縣禮賢重農折獄明敏續纂縣志

善政多端

宋本敬湖南湘潭舉人乾隆中知縣愛民養士教首經術一時文學較盛凡供應累民著爲陋規者盡革其弊城東關有寶帶橋久圯乃倡貲架石凌空嶢嶷雄壯至今鞏固

李元坦山東濟甯進士乾隆間知縣政嚴肅善折獄在任十餘年豪猾斂跡良懦安堵今父老猶頌明斷

王元楮字蘭畹雲南寶甯舉人嘉慶初年署縣事因柴法長之亂由襄垣特調來陽撫綏善良拔寒士之才者資以膏火去任時攜至襄垣循循訓迪多登第者

徐璈字樞亭安徽桐城進士道光中年知縣下車捕蝗刑寬政簡振興

學校倡貲重建聖廟廓增舊制禮物祭器至是始備析城山草肥美平陽營馬爭來收放害民稼穡璫力爲禁絕忤上官不顧民德之立祠於山陰以祀焉

王佩玉元橋子以舉人官知縣侯井趙某之亂亦由襄垣調補陽城下車即刑各犯除弊俗父子均祀賢侯祠

賴昌期字際雲湖南善化縣人由軍功於同治七年知縣事時捻逆竄濟源境親督練勇防守各要隘縣境獲保無虞又纂修縣志創修試院捐俸爲士鄉試川資洵有實惠於民者

盧榮字曉六湖北廣濟拔貢生署陽時當光緒三年大稔斗米售錢三千六百文人相食乃躬賑各村鎮飢民服勤盡瘁必徧必公至明年散

麥種亦如之以凶荒之後士風不振乃檢課書院生徒豐其米薪詳其科教生聚教訓民深賴之

兵事錄

周惠王十七年晉世子申生伐東山臬落氏敗狄于稷桑

稷桑在今縣治東南廿里

威烈王十七年魏伐韓取泜氏

今高平縣 獲澤

漢獻帝建安十年冬高幹據并州來攻獲澤河東太守杜畿守甚固城不得下曹操徵馬騰將兵擒幹斬之

北魏明元帝永興五年獲澤人劉逸自號証東將軍三巴王署置官屬攻逼建興郡元城侯元屈等討平之

秦常元年丁零翟猛雀驅掠吏民入白洲山為亂遣張蒲長孫道生討

平之

白洲山在今縣治西四十里

孝明帝正光末汾州吐京羣胡薛悉公馬牒騰竝自立為王詔裴慶孫

討之賊大潰徵慶孫赴都除直後于是賊復鳩集北連山胡劉蠡升南

通絳蜀陳雙熾兇徒轉盛以周喜裴慶孫為別將從軹關入討至齊子

嶺東敗賊師范多等

齊子嶺今名齊嶺在縣治西北七十里沁水縣界

西魏文帝大統十二年建州

即今澤州 刺史楊擲鎮車箱

太行峽名

齊神武

即高歡

圍玉壁別令侯景趣齊子嶺擲恐入寇邵郡率騎禦之景聞擲至斫木斷路六十餘里遂退還河陽

北齊文宣天保元年

西魏大統十六年

齊受禪周文東至峭峽遣行臺侯莫陳

三字

姓崇自齊子嶺趣軹關儀同

官名楊擲從鐘鼓道出建州陷孤公戊齊以

潘樂總大眾禦之樂晝夜兼行至長子遣儀同韓永興從建州西趣崇

崇遂退

鼓鐘鎮在縣治西南八十里雲濛山之西垣曲縣界